



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Protocol

Radunanza cumünala dals 18.12.2013

Presidi: Peer-Puorger Victor

Preschaint: 45 votantas e votants

S-chüsà: Gerhard Hauser, Arno Kirchen, Peder Caviezel

Scrutinadurs: Andrea Pua, Andri Cantieni

Protocol: Luzzi-Barblan Georg

	tractandas	tema	responsabel
29	011 Legislativa	Acconsentimaint protocol	
30	020 Administraziun cumünala	Preventiv 2014	
31	020 Administraziun cumünala	Preventiv 2014	
32	790 Planisaziun dal territori	Quota da la vendita da terrain ed objects ad esters	
33	900 Impostas cumünalas	Fixaziun pè d'impostas	
34	011 Legislativa	Varia (radunanza cumünala)	

011 Legislativa

29 **Acconsentimaint protocol**

Il protocol dals 2 december 2013 vegn approvà.

Sar Jachen Andirghetti voul gnir infuormà a regard la spartiziun da cuosts da la zona da mansteranza a Plan da Muglin. Il capo piglia posiziun ed infuormescha, cha quist proget sto il prüm gnir progetà e lura realisà üna claf da spartiziun. Ils proprietaris da terrain a Plan da Muglin vegnan involvats illa procedura. Davo la progetaziun vegn quista chosa amo üna jada davant radunanza cumünala.

Il capo infuormescha implü a regard l'andamaint dal vuschar gio. El s'hà infuormà pro'l chantun. Eir il capo es perinclèt, chi'n avegnir nu's dessa plü dumandar quants chi retengan la vusch pro üna votumaziun. Pro radunanzas cumünalas vegn in avegnir pro votumaziuns avertas dumandà be amo davò vuschs pèr e cunter.

020 Administraziun cumünala

30 **Preventiv 2014**Quint curraint:

Il quint curraint vegn preschantà in congual cul preventiv dal on 2013. Il quint 2013 nun es amo serrà gio, causa quai nun es tal publichà. Ün preventiv plü precis as pudaraja far pür cur cha'l prüm quint dal cumün da Valsot es serrà gio.

Il capo repassa in detagl il quint curraint e manzuna parts importantas. Il mainascula infuormescha a regard la part scoula. Il quint prevezza entradas da fr. 9'775'900.00 ed expensas da fr. 9'533'800.00, cun ün gudogn da fr. 242'100.00. La radunanza cumünala accepta unanim il preventiv dal quint curraint 2014.

Il cumün da Valsot es commember da «l'Allianza illas alps». Sar Angelo Andina es da l'avis cha quai stopcha gnir comunichà meglder, impustüt illa pagina d'internet.

020 Administraziun cumünala

31 **Preventiv 2014**Quint d'investiziun:

Il quint d'investiziun prevezza entradas da fr. 826'700.00 ed expensas da fr. 2'145'400.00. Gronds progets previs pel on 2014 sun las renovaziuns vi dal clucher da Tschlin, la fermativa da posta Martina, planisaziun dal territori, ingrandimaint da la chamonna Russenna, la meglioraziun da Tschlin, il proget da sanaziun da las vias Alp Tea e La Zipla e la sanaziun da la scoulina a Vnà. Sper quists progets infuormescha eir il manader tecnic sur dal proget per cumprar novs contadurs per tuot il cumün da Valsot.

Sar Angelo Andina giavüscha da preverrer ün beamer per la sala polivalenta a Tschlin. Sar Jachen Andirghetti voul gnir infuormà sur da l'andamaint a regard las taxas da deponia per ün hotel chi vegn eventual realisà a Scuol. La suprastanza ha in quista chosa decis da nö dar ün rebass da las taxas da deponia a favur da quist proget. Sar Michel Häfner as dumonda perchè cha'l cumün nu surdà extern las lavuors da preparar loipa. Il capo piglia posiziun e manzuna, cha'l cumün posseda las maschinas el personal per far quistas lavurs.

La radunanza cumünala accepta unanim il preventiv dal quint d'investiziuns 2014.

790 Planisaziun dal territori

32 **Quota da la vendita da terrain ed objects ad esters**

Il capo s'hà infuormà pro'l chantun, schi fa dabsögn da tour sù minch'on quista tractanda. Il chantun ha infuormà cha'ls cumüns han da trattar quista dumonda be sch'els prevezzan ün müdamaint da la quota da la vendita da terrain ed objects ad esters. Qua cha'l cumün nu prevezza ingüns müdamaints invers l'on scuors, nu faja dabsögn da vuschar giò. In avegnir vegn trattada quista tractanda be amo pro ün müdamaint da la quota.

900 Impostas cumünalas

33 **Fixaziun pè d'impostas**

Pro la fusiun dals 2 cumüns as haja fixà il pè d'impostas sün 95% (classa da finanzas 4), causa quai nu vegn müdà pel on 2014 il pè d'impostas.

011 Legislativa
34 **Varia (radunanza cumünala)**

Sar Duri Janett ingrazcha al capo per la resposta a regard l'andamaint pro votumaziuns. Per finir infuormescha il capo, cha'l fanestrigl sarrà avert 3 dis l'eivna a partir dal 2014.

Qua chi nu vegn pretais oter il pled, ingrazcha il capo per la cumparsa. El ingrazcha per la collavuraziun il on scuors e giavüscha a tuots bellas festas da Nadal ed ün bun on 2014.

7556 Ramosch, 23.12.2013

Il capo:

Il manader administraziun: